

不供椒漿莫給春祈秋報何所望於疲民哉當使封畛克完漚  
淫息患地租天賦無曠於循常東作西成克彰於幽贊矣如是  
潔其器用豐其禮物掃地而醮焉是夕夢衆人紛紜擔囊荷囊  
襁嬰攜孺若遷於他所明日投石以實之水乃退涸遂成其堰  
八月之後方復摧陷濬爲涸潭焉

徐翥爲父修黃籙齋驗

高平徐翥漣水人也因官遷於青州貨殖殷贍有子三人其二  
癯殘小者項有肉枷人見所共驚畏翥初銳意求官驕佚自任  
下輦成宴言行事隨欣欣然有凌雲霄之志見二子之疾未甚  
介意及親肉枷之異悒悒不樂道遠喪矣因遊東海山觀中與

道藏輯要

雲笈七籤  
十三

卷

井集六  
八百七

道士話其事道士曰三子之疾非已之過非子之罪蓋宿業所  
鍾爾道門所謂宿業非是疾者前生之業乃先人之罪殃流後  
裔也君家先世當有酷於刑法暴於捶楚爲官不恤牢獄不矜  
囚徒意生法外殘毒害物遂使子孫受其報爾翥泣然流涕曰  
實然先父爲官當則天之朝世亂讒勝誅鋤李氏諸王屠害宗  
室朝廷德望必設法以陷之殘刑以毒之誅勦考掠不勝其毒  
者陷於狴牢死於繫械故不可勝紀如武懿宗來俊臣周利貞  
李義府之徒恩渥隆異回天轉日天下畏之以矜怨慈惠者爲  
懦夫以疆慎忍酷者爲能吏仁憫道息貞正事隳勢使然也先  
父雖位卑威薄時稱能官累案大獄甯無枉抑今日之報信而

有徵將祛此罪滌此冤奈何道士曰拔先世之考當修靈寶解厄齋救存歿之苦當修黃籙齋勿悞金寶一遵天科竭財向善孜孜不倦可以謝其罪爾翥還家大修黃籙道場三日第二日夜時方嚮晦中夜聞門外車馬人物之聲甚衆出門視之則白光如晝天兵千餘人官吏數百羅列門外若有所候良久黑氣鬱勃直北而來中有三人枷鎖械縛鬼神數十人領之列於官吏天兵之前一人卽翥父立之也俄而黃赤光一道自西北來照地上草木屋宇人物之形皆若金色異香盈空光中神仙一人青童十餘人二力士執節前引其左一人武弁朱衣執金策去地三丈許衆官拜迎神仙俯揖武弁者稱太上之勅讀金札

道藏輯要

雲笈七籤  
十三

素

井集六  
六百七

曰徐玄之侮法害人宜加考謫以其子精修黃籙功簡上玄卽宜赦宥同惡延逮並爲原除於是神仙復去官吏皆隱卽見其父素服麻衣謂翥曰吾不知罪福但恣習襟法外害人久被冤訴考責已十八年同官屬吏皆均其罪猶有十二年殃苦報訖方履惡道痛苦之狀不可具言賴汝歸向法門精修此福太上降赦前罪併除冤訟之人先已脫解延累之罪自此亦銷吾得生天去矣勤於香火以報道恩乃飛空而去翥之三子旬月之間殘病者完復肉頂亦銷更修黃籙齋十壇廣爲存歿仍令小子於山觀入道永奉香燈翥終身高閑不窺祿利常持誦真經時亦鍊氣絕粒